



Inatsisartunut ilaasortaq
Isak Hammond
-/maani

Inatsisartunut ilaasortap Isak Hammondip, Inuit Ataqtigiit, § 36, imm. 1 malillugu apeqquteqarneranut akissut.

Peqqinnissaqarfiup sulisunik nunanit allaneersunik atorfinitsitsinnaanera, soorlu Kangianeersunik tamatumalu Danmarkimi sulisussarsiortarnermut naleqqiullugu qanoq periarfissaqartigineri pillugit Naalakkersuisunut apeqqutit.

Inatsisartunut ilaasortap apeqquteqarneranut aamma Nunatsinni Peqqinnissaqarfimmi peqqissaanermik suliaqartunik sulisussarsiortarnermut soqutiginninneranut qujavunga.

Apeqqutit marlunnut avinneqarput:

- Nunatsinni Peqqinnissaqarfiup nunanit allanit, soorlu kangiamiunik (Asien – Indien) atorfinitsitsinnaanera qanoq periarfissaqartigaa?
- Periarfissaq tamanna Danmarkimut naleqqiullugu qanoq annertutigaa?

Apeqqutit killormut tulleriissillugit akissuteqarfigissavakka.

Nunatsinni Peqqinnissaqarfik ukiuni tallimani kingullerni sulisunik peqqissaanikkut ilinniarsimasunik sulisussarsiortarnermini annertusiartuinnartunik ajornartorsiuteqarpoq. Nakorsat immikkut ilisimasallit, peqqissaasut, laborantit juumuullu immikkut unammillernarsimapput. Pisanerq malillugu peqqinnissaqarfimmut pissusissamisoonerugalarpoq Danmarkimit sulisunik sulisussarsiortoqartarnera. Taamatut sulisussarsiortarneq ukiuni kingullerni Danmarkimi peqqinnissaqarfimmut ilinniarsimasunik pisariaqartinneqartunik sulisussarsiortarnerup annertunerusumik ajornartorsiuteqarfiulernerata ajornarnerulersippaa. Pissutaasut arlaqarput, tamaasali isigalugit ajornartorsiutaasoq tassaavoq nakorsanik peqqissaasunillu naammattunik ilinniartoqarneq ajornat ukiutik malillugit suliunnaartunut taartissanik. Danmarkimi taamatut sulisussanik amigaaqarnerup namminersortut periarfississimavaat, tassanilu aamma Nunatsinni Peqqinnissaqarfiup suliassani naammassisinnaajumallugit sulisunik taakkuningga sulisussarsiortariaqartarsimavoq.

Nunat anginerusut qiviassagaanni, soorlu Kangiani nunat, peqqinnissaqarfiup sulisoqarniarnikkut ajornartorsiutaasa qaangerneqarnissaat siunertaralugu sulisunik peqqissaanermik suliaqartunik sulisussarsiorsinnaaneq periarfissaqarluarpoq. Peqqinnissaqarfik ukiuni kingulliunerusuni sulisussarsiortarnermi ajornartorsiortarnerpaaffiusuni sulisunik aalajangersimasunik amerlanernik sulisoqalernissaq anguniarlugu Danmarkip avataani suliniutinik arlalinnik aallartitsisimavoq. Taakkunani taaneqarsinnaapput nakorsat Polenimeersut, peqqissaasut Norgemeersut, Sverigemeersut, Islandimeersut, Savalimmiuneersut

24. november 2009
Sagsnr. 2009-022556
Dok. Nr. 262577

Postboks 1160
Tlf: 34 50 00
Fax: 32 55 05
3900 Nuuk
Email: pn@gh.gl
www.nanoq.gl

Filippinerineersullu, kingullermillu Hollandimiit sulisussarsiortarneq aallartinneqarsimavoq.

Peqqinnissaqarfiup nunani avannarlerneersunik peqqissaasunik immikkut ittumik alaatsinaassimaneranut pissutaavoq Nakorsat qullersaannut qinnuteqareernerimmikkut ingerlaannartumik sulisinnaatitaalersinnaammata, nunani avannarlerni tamatumani isumaqatigiissutit naammassisimagunikkit. Peqqissaasunut isumaqatigiissummut tassunga ilaangitsunut inunnut ataasiakkaanut naliliinerit tunngavigalugit sulisinnaatitaanermik killeqartumik atajuartussamilluunniit Nakorsanut qullersaasoq tunniussaqsarinnaavoq. Taamatut naliliineq tamatumani Sundhedsstyrelsen ilitsersuutaani kiisalu Peqqissaasut nunani allaneersut peqqinnissaqarfimmi atorfinitsitaasernerat pillugu Namminersornerullutik Oqartussat nalunaarutaanni nr.15-imi, 22. april 1998-imeersumi aallaaveqarpoq.

Peqqissaasunut sulisinnaatitaanermik atajuartussamik tunineqanngitsunut atuuppoq oqaatsitigut pitsaassutsikkut angusaqareernerimmikkut nalilersorneqartassammata killeqartumik sulisinnaatitaassuseqarlutik qaammatini 6-ini misiligummik atorfinitsinneqarnissaat siunertaralugu. Tamanna isumaqarpoq qinnuteqartoq qaammatit 6-it qaangiunnerisigut peqqissaasup nunatsinni ilinniarsimasup pisinnaasai assigalugit sulisinnaasariaqassasoq. Misiligummik atorfinitsitsinermi inunnut ataasiakkaanut pilersaarusiortoqartassaaq qanoq isillutik inuit ataasiakkaat sulisinnaatitaanermik atajuartussamik piumasqaatinut naammassinnaanerannut atorneqartussamik. Misiligummik atorfinitsitsinerup nalaani sulinermut nakkutiginnittussamik oqaatsinillu ilinniartitsisussamik sulisoqartitsinissamik peqqinnissaqarfik pisussaaffeqarpoq. Peqqissaasoq qaammatit taakku 6-it qaangiuppata sulisinnaassutsimigut, kulturikkut aamma oqatsitigut/atassuteqarsinnaanermigut naliliiffigineqassaaq atajuartussamik sulisinnaatitaalernissaa siunertaralugu.

Periuseq qulaani taaneqartoq Peqqinnissaqarfimmut nukinnik atuinartuuvooq, taamaammallu immikkoortut ataasiakkaat peqqissaasunik atorfinitsitsigallarsinnaaneri killeqarput. Danmarkimi, apeqquteqartup taasaani, suliffeqarfiit annerujussuupput, taamaammallu unammilligassat nunatsinnut naleqqiullugit qaangerniarnissaat ajornannginnerujussuullutik. Tamanna tunngavigalugu Nunatsinni Peqqinnissaqarfik sulisunik peqqissaanermik ilinniarsimasunik, soorlu peqqissaasunik, laborantinik juumuunillu, nunaniit Danmarkimiit allaaneruallaanngitsuniit sulisussarsiortarnissamik suliaqarsimavoq. Tamatumani assersuutaasinnaavoq Holland, taamaattorli Nunatsinni Peqqinnissaqarfimmut peqqissaasunik suli tunniussaqaanngitsoq. Assersuutaasinnaasoq alla tassaavoq Polen, tassanngaanniillu Peqqinnissaqarfik nakorsanik sulisussarsiorsimavoq. Taakku ilaatigut massakut Dronning Ingridip Napparsimmavissuani aalajangersimasumik atorfeqartinneqarput nakorsatut immikkut ilisimasalittut.

Peqqinnissaqarfimmi sulisussarsiortarnermik ajornartorsiuteqartoqarnera tunngavigalugu nunanit oqaatsitigut kulturikkullu danskinit nunatsinniillu allaanerusuniit peqqissaasunik sulisussarsiortarnissamat periarfissat tamaasa ammatinneqarput. Maanngaanniit misilittagaareersut takutippaat peqqissaasut taakku peqqissaasutut sulinissaminni danskisut kalaallisullu piginnaasaat amigarsimmammata, taamaammallu atorfinni ilinniarsimannngitsutut aallartittarsimallutik oqaatsimikkut

piginnaasaqarlualernissamik tungaanut. Taamaattumik pingaartinneqarpoq oqaatsitigut piginnaasaqalereersimanissaq atorfinitsinneqarnissaq sioqqullugu.

Ataatsimut isigalugu peqqinnissaqarfiup sulisunik aalajangersimasunik amerlanernik atorfinitsitsisarnissaq anguniarlugu suliniutinik aallartitsisimanera, kisiannili aamma sulisunik peqqissaanermik ilinniarsimasunik sulisussarsiornermut atatillugu periarfissanik allanik atuisinnaanissaq pillugu suliamik aallartitsisimanera Naalakkersuisut tapersorsorpaat, taamaaliornikkut Peqqinnissaqarfik qaqugumulluunniit inatsisitigut allassimasut malillugit peqqinnissakkut sullissisinnaajuaqqullugu.

Neriuppunga akissutigat naammagineqassasoq, qujaqqippungalu soqutiginninnut.

Inussiarnersumik inuulluaqqusillunga

Agathe Fontain